

Universitätsbibliothek Paderborn

**Evangelistarivm M. Maruli Spalaten. opus vere
euangelicum, sub fidei, spei & charitatis titulis in septem
libros partitum**

Marulić, Marko

Coloniæ, 1532

VD16 M 1298

Qualiter nos gerere debemus in dandis benefidijs. ca. 23.

urn:nbn:de:hbz:466:1-35578

¶ Qualiter nos gerere debemus in
dandis beneficijs. Caput. XXIII.

IN omnes itaque beneficia conferenda sunt, sed tamē
ut quo cuique opus fuerit, quodq; cuique conuenie-
rit detur, & merita singulorum spectanda erunt &
necessitates & ingenia. Dignis non solum vitæ subsidia,
sed etiam honores atque officia deferantur. Inopes ci-
bo, potu, tegumento, testo iuuentur. Amici & parentes
beneficio & foueantur. Inimici ita palpandi demulcen-
di que sunt, vt ad placabilitatem inclinentur. Cum in-
gratis quoq; sic agendum, vt in ihs veteris beneficentia
obliuionem nouæ discutiat refricatio. Nam veluti ar-
ua minus fœcunda, si sæpius sumum irrigationem q; re-
ceperint, frugifera efficiuntur, ita ingratus recentibus
admonitus beneficijs præterita quoque atque oblitera-
ta ad memoriam reuocabit, & verecundia compulsus
de reddenda gratia intentius meditabitur. Quædam au-
tem beneficia palam, quædam occulte tribuenda sunt.
Quæ virtuti debentur, palam dari conuenit, vt & ho-
norandus appareat qui accipit, & alijs eius exemplo ad
actiones honore dignas excitentur. Is vero occulte erit
adiuuandus, quem inopiæ suæ pudet, cui si quid in ap-
to obtuleris, magis proditum se dolebit, quam lætabit
adiutum. Beneficij obliuisci debet qui dedit, semper au-
tem memoriter tenere qui accepit. Ideo saluator noster
cum surdum & mutum curasset, eis a quibus oblatus fu-
erat, ne cui dicerent præcepit, sed illi tanto magis præ-
dicabant. Hinc igitur discas, & vitare iactantiā si bene-
ficium dederis, & ingrati filētium si acceperis. Illud qd
tua causa p̄stas, nō est beneficiū, sed scipsum amantis cō-
filiū. Nō enim p̄stares, nisi tibi p̄futur; sperasses. Quod
aut & tua & mea causa mihi donaueris, iniustus forē, hī
pro eo me tibi debere faterer, imo eo iucūdius esse debet
donum quod cōmodo atque usui est, & tibi dare & mi-
hi accipere. Inuidi est enim suam tātum vtilitatem spe-
care, & cum acceperis, quod alijs quoque profuturum
sit, nolle beneficij loco ducere. Recte autem non esse

Matt. 7.

a 5

beneficium contendem, alteri aliquid eripere, ut alteri donen. Nam cum beneficium dare liberalitatis virtus sit, & aliena rapere avaritiæ vitium, quomodo potest dici virtus, quæ vitio constat? Quis neget dare elemosynam pietatis esse munus? & tamen offerre in templum non licet, quod partum est inique. Sic enim in Isaia legimus. Ego dominus diligens iudicium, & odio habens rapinam in holoc austum. Ergo inquires, si beneficium non est quod accepi, nihil debeo illi a quo acceperis? Nihil plane ei a quo accepisti, sed cui ablatum est ut acciperes. Huic reddere suum, & ei nihil debebis, qui largitus est alienum. Ne concupiscere quidem iniuste rem proximi tui iuberis, nedum possidere. Porro nullum maius beneficium homini ab homine præstari potest, quam si quis pro aliorum salute suam vitæ periculis obiecerit, cum inter præsentia bona nihil vita charius habeatur. Maiorem, inquit dominus, charitatem nemo habet, q[uod]t animam suam ponat quis pro amicis suis. Hanc profecto charitatem ipse nobis primus exhibuit, qui nobis sua morte aditum vitæ æternæ reseravit. Hunc imitati sanctissimi martyres, contra principum interdicta viæ adiungendæ salutis alios palam docebant, semet certe morti & quidem per tormenta sustinendæ audacter exponentes. Proximi ergo animæ periculum (si possumus) præsentis vitæ nostræ impedio propulsare debemus. Et si Ionas propheta tempestatem in mari passus mergi voluit ne alii mergerentur, quanto magis præferenda est cuiusq[ue] hominis animæ salus corporis nostri saluti? Omne tamen beneficium non tam res ipsa magnum facit, quam voluntas. Magnum est, cum libenter, cum cito offertur, cum toto animi affectu impenditur: displacebit si cunctanter, si triste, si superbe, si serius quam operatus præstat, si deniq[ue] pene anolente & inuito extorquetur. Quemadmodum igitur rem multi pretij vilitat frigida voluntas tribuentis, ita exiguum etiam beneficium gratum efficit in conferendo animi promptitudo atque facilitas. Illi quoque plus debeo, qui parui modicique sui peculii participem me fecit, quam qui diues

Isa. 61.

Joh. 8,5

Ionas.

multum donauit. Plus enim largitus est, cui minus quo
ipse fruatur restat. Hanc verissimam sententiam domi-
ni confirmat autoritas. Cum enim quidam diuites in
templo grandem offerrent pecuniam, plus oblatum di-
xit a vidua paupercula, quæ duo tantum minuta æra ob-
tulerat. Satis hæc de tribuendis beneficijs, nunc de ac-
cipiendis reddendisque exponamus.

Matt.12.

De beneficijs accipiendis.

Caput. xxiiii.

Ab illo accipere beneficia oportebit, cui nos de-
bere delectat. Molesta res est, his quibus nolis
esse deuinctum. Econtrario autem iucundissimum
est, ei quem nullo etiam intercedente beneficio dilige-
res, accepto obligari, & causam referendæ gratiæ habe-
re. Ab optimo quoque beneficium accipere tam gratū
est quam testimonium habere ipsorum erga nos amo-
ris. Læto yultu gratoque animo sicuti dandum ita &
accipiendnm erit beneficium: qui contemptim acceperit
iam ingratus est, si sibi beneuole præstitum est. Ille ve-
ro qui hilare accipit, & libenter, iam persoluit maximā
beneficij partem, quæ in animo est. Reddit enim pro be-
neuolentia beneuolentiam, licet nondum munus p̄ mu-
nere retulerit. Deest interdum referendi copia, interdū
occasio, & quamdiu ista desunt, qui accepit beneficium
tamquam relatus, iam retulisse videtur, quia satis est
voluisse, quoties posse nō occurrat. Ab illo qui infamia
notatus est, & turpiter viuit, non accipias beneficium,
ne perditis moribus eius fauere videaris, nisi forte eo
accepto. & inita cum homine familiaritate spes fuerit,
tuis admonitionibus eum reuocandi, sibique restituendū
ne in nequitia obduratus pereat. Cūq; etiā malis bene-
faciendū sit, non est p̄termittenda beneficiendī occasio
si tunc se offerat, cū ille q̄ corrigi debet, munus aliquod
porrigit. Tunc etiam a malo accipiendum erit, cum
ille deterior futurus timetur, nisi acceperimus. Tyran-
no enim aut improbo aliq domino munus vltro porri-